

# Pappiaqqaqnik nalilinnik naqissusiinermi akitsuut pillugu Inatsisartut inatsisaata allannguutissaatut Inatsisartut inatsisaat

## § 1

Pappiaqqaqnik nalilinnik naqissusiinermi akitsuut pillugu Inatsisartut inatsisaanni nr. 8, 31. oktober 1987-imeersumi, Inatsisartullu inatsisaatigut nr. 6, 20. oktober 1989-imeersukkut allanngortinneqartumi, makku allanngortinneqarput:

1. § 9, imm. 1, nr. 1-im *aamma* 2-mi allassimasut "kapitali II" aarnma "ineqarnermut ikorsiissuteqartarnermut ataatsimiititaliamut" allanngortinneqarput ima: "kapitali IV" aamma "Naalakkersuisunut"
2. § 9, imm. 2-mi allassimasoq "ineqarnermut imaluunniit inuutissarsiornermut tapersiinermut ataatsimiititaliamut" allanngortinneqarpoq ima: "Naalakkersuisunut imaluunniit inuussutissarsiornermut tapersiinermut ataatsimiititaliamut"
3. § 9, imm. 2-mi allassimasoq "§ 6" allanngortinneqarpoq ima: "§ 5"
4. § 11-mi imm. 2-tut ilanngunneqarpoq:  
*"Imm. 2. Uppernarsaatit toqusoqarneranut atatillugu, kingornussisarnermik Kalaallit Nunaannut inatsimmi §§-it 37-miit 39-mut naapertorlugit, pilersinneqarsimappata akitsuuserneqassangillat."*
5. § 22-ip kingornanut ilanngunneqarpoq:  
*"§ 22 a. Pisortat oqartussaasut kiisalu eqqartuussissuserisut, aningaaseriviit, kukkunersiusut sillimmasiisarfiillu qinnuigineqarnermikkut paasissutissat suullunniit Akileraartarnermi Pisortaqaqfimmun nalunaarutigisassavaat, Inatsisartut inatsisaat una naapertorlugu Akileraartarnermi Pisortaqaqfiuup aalajangiinissaanut atugassanik."*
6. § 23-p kingornanut ilanngunneqarpoq:  
*"§ 23 a. Akitsuutinut akiligassat akilerneqanngitsut Kalaallit Nunaanni eqqartuussisarnermik inatsimmi kap. 7. akileraarutinik akitsuutinillu piumasarineqartunik pinngitsaaliiinkut akiliisitsiniarsinnaanermik imaqartoq, tassani ilaalluni aningaasat akiligassalimmut tunniunneqartut unerartitsiffigineqarsinnaanerat, naapertorlugu akilersinniarneqarsinnaapput."*

## § 2

Inatsisartut inatsisaat 1. januar 1993-imi atuutilissaaq.

*Namminersornerullutik Oqartussat, ulloq 30. oktober 1992.*

Lars Emil Johansen

/

Emil Abelsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut